

Сизларга огоҳлантирувчи келмаганмиди?



12:29 / 14.03.2019 3554

Аллоҳ таоло Мулк сурасида шундай марҳамат қилади:

نَذِيرٌ يَأْتِكُمْ أَلَّا مَا خَرَّنَهَا سَاهُمْ فَوْجٌ فِيهَا أُلَقِيَ كُلُّمَا أَغْيَطَ مِنْ تَمَيَّزَ تَكَادُ۸

«У ғазабдан ёрилиб кетай дер. Ҳар сафар унга янги гурух ташланганда, унинг хизматкорлари: «Сизларга огоҳлантирувчи келмаганмиди?» - деб сўрарлар» (8-оят).

«У ғазабдан ёрилиб кетай дер».

Ҳа, жаҳаннам кофир ва осийларни кўрганда ниҳоятда дарғазаб бўлади. Унинг ғазаби юқори даражага чиққанидан ёрилиб кетай дейди. Ана ўшандай ҳолдаги жаҳаннамга ташланганларнинг ҳоли нима бўлиши ўз-ўзидан маълум.

**«Ҳар сафар унга янги гуруҳ ташланганда, унинг хизматкорлари:
«Сизларга огоҳлантирувчи келмаганмиди?» - деб сўрарлар».**

Жаҳаннамнинг хизматкорлари кучли, қўпол, бешафқат фаришталардан бўлиб, улар «забония» ва «хазана» деб аталади. Дўзахга қачон кофирларнинг янги гуруҳи ташланса, ҳалиги фаришталар дўйқ-пўписа ва азобни яна ҳам таъсирли қилиш учун, улардан «Сизларга огоҳлантирувчи келмаганмиди?!» - деб сўрайдилар. Яъни «Сизларга мана шу ҳолатдан огоҳлантирадиган пайғамбар келмаганмиди, кофир бўлишнинг оқибати ёмонлигидан сизни огоҳлантирмаганмиди? - дейдилар.